

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Contemptus Religionis.

[urn:nbn:de:hbz:466:1-68709](#)

Porrò Gigantes, de quibus mentio in SS. Scriptura, notantur quinque maximè rebus fuisse insignes, nempe vastitate corporis, robore virium, superbiâ, crudelitate, libidine. De vastitate Typhoëi, seu Typhonis Ovid. 5. Metam. scribit, eum tantæ fuisse magnitudinis, ut cùm Sicilia tribus promontorijs claudatur, tota supra corpus ejus fulminatum posita sit; & quidem supra dextram ejus manum *Pelorus* mons, Italiam prospectans: supra lèvam *Pachinus* Græciam respiciens, supra crura *Lilibanus* Libiam versùs porrectus; supra caput Ætna, in ipsa insula altissimè eminens, ubi pars gigantum trisulco Jovis igne perijt. Quod Ovidius de Typhone, id de Encelado Maro 3. Æneid. tradit:

Fama est Enceladi semjustum fulmine corpus
Urgeri mole hac, ingentemque insuper Ætnam
Impositam, ruptis flammam spirare caminis,
Et fessum quoties motat latus, intremere omnem
Murmure Trinacriam, & cœlum subtexere fumo.

Non minùs eleganter Claudianus de raptu Proserpinæ
Ætna gigantæos nunquam tacitura triumphos
Enceladi bustum; qui faucia membra revinctus
Spirat inexhaustum flagranti pectori sulphur,
Et quoties detrectat onus cervice rebelli
In dextrum, lèvumque latus, tunc insula fundo
Vellitur, & dubiæ nutant cum mœnibus urbes.

Inter gigantes celebrantur centimanus Briareus Æneid. 6. & Egæon Æneid. 10.

Egæon qualis, centum cui brachia dicunt
Centenásque manus, quinquaginta oribus ignem
Pectorib[us]que arsisse: Jovis cùm fulmina contra
Tot paribus streperet clypeis, tot stringeret enses.

Horatius lib. 3. Od. 4. meminit Mimantis, Porphyronis, Rhœci, centimani Gyæ, Tityi &c. Hæc ad eruditionem, nunc ad mores.

Ethica.

(a) Habet hæc fabula multiplicem explicationem. Nam primò Maerobius lib. 1. Sat. c. 20. ait, Gigantes fuisse hominum quandam gentem impiam, Deos negantem: & ideo existimatam, Deos è cœlo pellere voluisse.

(a) *Gigantes sunt athei, & contemptores religionis.*

luisse. Horum pedes in draconum seu serpentum volumina definebant; quod significat, nihil eos rectum, nihil superum aut sublime cogitasse, totius vitae eorum gressu & processu in inferna vergente. Hæc ille. Id ipsum jam antè S. Historia de gigantibus, Terræ filijs, nihil nisi terrena cogitantibus indicavit Gen. 6. *Videns autem Deus, quod multa malitia hominum esset in terra, & cuncta cogitatio cordis intenta esset ad malum omni tempore.* Cicero quoque eos gigantibus comparat, qui Mundo providentiam seu Rectorem præesse inficiantur; nam in Catone majore ait: *Quid enim est aliud, Gigantum more bellare cum Dijs, nisi naturæ repugnare?* Hæc enim docet, Mentem aliquam esse supremam, quæ cuncta gubernet. Deum vero negare, est idem, ac Deum cœlo pellere velle. Nempe juxta regium Psalmen, *Dixit insipiens, non est Deus. Psal. 52.* Explicat hoc Natalis Comes in Mythologia lib. 6. c. 21. Gigantes inquit, crudeles & temerarij, qui nihil honestum esse putarunt, nisi quod placuisset; vel Jovem ipsum de cœlo pellere ausi sunt. Id ego nihil aliud esse crediderim, nisi væcordes homines, quibus libido & impetus animi dominatur, Deos omnes contemnere, ac pro viribus suis religionem everttere, cum religio omni temeritati & improbitati sit adversaria. Nam sine religione, & Deorum metu, nihil neque justum, neque pium, neque sanctum fieri potest. Verum quia scelerum omnium comes est supplicium & poena, & miseria (Deus enim est gravissimus flagitorum vindicta) illi non injuria ab Hercule & Pallade, & dijs cæteris profligati, acerbissimisque supplicijs addicti sunt, cum nemini esse scelerato impunè denique liceat. Ita ille contra Atheos, etiam nostri temporis Gigantes.

II. (b) Secundò dicuntur illa hominum monstra montes impossuisse montibus, & simul cum aggestis illis molibus, fulmine fuisse dejecatos: quod superbis merito contingit, quibus Deus resistit, tantoque profundius eos deprimit, quanto altius eniti conantur. Jobus cap. 26. ait: *Ecce gigantes gemunt sub aquis, & qui habitant cum eis.* Docuit hoc Diluvium, quando fluctus immanes contra væsanos mortales insurrexerunt, & in imo sepelierunt. De quibus etiam Isaias c. 26. *Terram gigantum detrahens in ruinam.* Et Siracides c. 16. *Antiqui gigantes destructi sunt, confidentes sua virtuti.*

III. (c) Tertiò, sicut Lucifer in cœlo suis cum affeclis bellum mosvit Deo, ita contra æternum Numen insurgunt in terra, quicunque lethifero sese crimine obstringunt; perdit, projectique Terræ filij. Unde

F psal.

(b) *Per gigantes danosantur Superbi, (c) per gigantes indicantur peccatores sceluti.*